

Vivas et Vigeas diu incolumis et floreat perpetuo Magnum
Linnæi Nomen eximium Patriæ suæ Decus.

Dabam Havniæ d. 4 Januar: 1749.

A Monsieur Monsieur Carol: Linnæus Archiatre de Sa
Majeste le Roy de Svede, et Professeur en Medicine á Upsal
Franco Elseneur

(3) Viro Illustri Celeberrimo
Carolo Linnæo
Archiatro Regio & Professori Med:
sal: pl: d:
Balthas: Joh: de Buchwald

Studiosus Medicinæ 3 circiter annorum in apollinea tamen
arte non plane hospes tua methodo in Botanicis erudiri avet,
& cum de tua benevolentia minime dubitem, commendatitias
hasce ad Te ipsi dare detrectare nolui, rogans ut hortum
vestrum botanicum pariter ac naturalia aliaque curiosa invisere
& perlustrare ipsi concedatur. Videbis illum Vir æstumatissime
timidum quidem & Platoniorum more obmutescentem sed
maxime attentum & assiduum atque hinc docilem omnino.
Fato quasi extinctæ hic sunt omnes Musæ tibi destinatæ
prout ulterius narrabit præsens harum lator, adeo ut ex voto
promisso stare nequeam, licet non omittam omnes intendere
nervos ut voto tuo satisfaciam si Deus vitam & vires con-
cesserit. Orationem Jubilæam hic a me ceu Rectore magnif:
habitam tibi transmitto perlegendam si tempus vacabit. Præ-
sentiam tuam præterita æstate frustra, quod maxime doleo,
expectavi, hanc, si fieri potest, præsentè anno mihi apprecor,
cæteroquin vivas diu incolumis & amare pergas

Tibi penitus addictum

festinante calamo.

die 1 May 1750.

A Monsieur Monsieur Linnæus Archiatre de sa Majeste
le Roy & Professeur en Medicine tres Celebre á Upsal